

Turistička zajednice općine Lukavac

Broj: 05-04-1643/20
Lukavac, 20.02.2020. godine

Na osnovu člana 15. Zakona o turističkim zajednicama ("Službene novine Tuzlanskog kantona ", broj: 11/15), člana 30. Statuta Turističke zajednice općine Lukavac ("Službeni glasnik općine", broj: 7/19 i Odluka o izmjeni Statuta broj: 05-05-2064/2019-39 od 06.01.2020. godine) i Odluke Turističkog vijeća broj: 05-05-2064/2019-28.6.7 od 07.02.2020. godine, Turističko vijeće Turističke zajednice općine Lukavac, objavljuje

Poništenje javnog konkursa za izbor i imenovanje kandidata za upražnjenu poziciju Voditelja Turističkog ureda Turističke zajednice općine Lukavac

Poništava se Javni konkurs za izbor i imenovanje kandidata za upražnjenu poziciju Voditelja Turističkog ureda Turističke zajednice općine Lukavac, objavljen u dnevnom listu „Oslobođenje“ od 21.09.2019. godine.

Istovremeno, na osnovu člana 15. Zakona o turističkim zajednicama ("Službene novine Tuzlanskog kantona ", broj 11/15), člana 30. Statuta Turističke zajednice općine Lukavac ("Službeni glasnik općine", broj: 7/19 i Odluka o izmjeni Statuta broj: 05-05-2064/2019-39 od 06.01.2020. godine) i Odluke Turističkog vijeća broj: 05-05-2064/2019-28.6.8 od 07.02.2020. godine, Turističko vijeće Turističke zajednice općine Lukavac, objavljuje

Javni konkurs za izbor i imenovanje kandidata za upražnjenu poziciju Voditelja Turističkog ureda Turističke zajednice općine Lukavac

Objavljuje se Javni konkurs za izbor i imenovanje kandidata za upražnjenu poziciju:

1. Voditelj Turističkog ureda Turističke zajednice općine Lukavac, 1 (jedan) izvršilac

I. Opis poslova i nadležnosti

Voditelj turističkog ureda provodi odluke Skupštine i Turističkog vijeća; organizuje izvršenje zadataka Turističke zajednice općine Lukavac; zastupa Turističku zajednicu općine Lukavac i poduzima pravne radnje u ime i za račun Turističke zajednice općine Lukavac; zastupa Turističku zajednicu općine Lukavac u svim postupcima pred sudovima, upravnim i drugim državnim tijelima, te pravnim osobama s javnim ovlaštenjima; odgovoran je za namjensko trošenje sredstava koja se vode u Turističkoj zajednici općine Lukavac; usklađuje materijalne i druge uslove rada Turističkog ureda i brine se da poslovi i zadaci budu na vrijeme i kvalitetno obavljani, u skladu s odlukama, zaključcima i programom rada Turističke zajednice općine Lukavac i njenih organa; predlaže zapošljavanje radnika u Turističkom uredu; odlučuje o raspoređivanju radnika na određena radna mjesta, te o prestanku rada, u skladu s aktom o organizaciji i sistematizaciji Turističkog ureda koji usvaja Turističko vijeće; upozorava organe Turističke zajednice na nezakonitost njihovih odluka; odlučuje o službenim putovanjima radnika; odlučuje o korištenju ličnih automobila u službene svrhe i o korištenju sredstava reprezentacije; predlaže organizaciju i sistematizaciju Turističkog ureda, kao i druge opće akte neophodne za funkcionisanje Turističkog ureda; ako ocijeni da je to potrebno, svrsishodno i u cilju izvršavanja zadataka Turističke zajednice općine Lukavac,

predlaže Turističkom vijeću povjeravanje pojedinih stručnih poslova trećim licima; potpisuje poslovnu dokumentaciju Turističke zajednice općine Lukavac; zajedno sa predsjednikom Turističkog vijeća priprema sjednice Turističkog vijeća i Skupštine; podnosi Turističkom vijeću i općini Lukavac izvještaj o svom radu i o radu Turističkog ureda, te predlaže mjere za unaprjeđenje organizacije rada Turističkog ureda; daje punomoći i prokuru u skladu sa svojim ovlaštenjima; rješava u prvom stepenu o pravima, obavezama i odgovornostima radnika Turističkog ureda; obavlja i druge poslove utvrđene Zakonom, aktima i odlukama Turističke zajednice općine Lukavac.

Voditelj Turističkog ureda Turističke zajednice općine Lukavac imenuje se na period od 4 (četiri) godine.

II. Kandidat mora ispunjavati slijedeće opće uslove:

1. da je državljanin Bosne i Hercegovine,
2. da je stariji od 18 godina,
3. da se protiv njega ne vodi krivični postupak,
4. da nije osuđivan za krivično djelo ili privredni prijestup, koji predstavljaju smetnju za imenovanje na upražnjenu poziciju, u roku od 5 (pet) godina od dana izdržane, izvršene, zastarjele ili oprostene kazne,
5. da mu odlukom suda nije zabranjeno obavljanje poslova na poziciji za koju se prijavljuje,
6. da nije otpušten iz državne službe, kao rezultat disciplinske mjere na bilo kojem nivou vlasti u Bosni i Hercegovini, u periodu od tri godine prije dana objavljivanja javnog konkursa,
7. da nije izabrani zvaničnik, nosilac izvršne funkcije ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije Bosne i Hercegovine", broj: 70/08),
8. da se na njega ne odnosi član IX, stav 1. Ustava BiH.

III. Pored ispunjavanja općih uslova, kandidat treba da ispunjava i sljedeće posebne uslove:

1. da ima završen VII (sedmi) stepen stručne spreme društvenog smjera, odnosno najmanje I ciklus visokog obrazovanja koji nosi 240 ECTS bodova po Bolonjskom sistemu studiranja,
2. da ima 1 (jednu) godinu radnog iskustva u struci,
3. da posjeduje organizatorske sposobnosti,
4. da nije predsjednik, niti član skupštine ili turističkog vijeća niti jedne turističke zajednice,
5. da u proceduri kandidovanja sačini i predstavi svoj program rada.

IV. Za sve kandidate koji u potpunosti ispunjavaju opće i posebne uslove ovog javnog konkursa, u postupku konačnog izbora uzet će se u obzir i sljedeći kriteriji:

1. dužina radnog iskustva na poslovima iz oblasti turizma ili sličnim poslovima,
2. komunikativne i organizatorske sposobnosti,
3. minimum znanja o organizaciji i djelatnosti Turističke zajednice,
4. sposobnost savjesnog i odgovornog obavljanja upražnjene pozicije,
5. sposobnost nepristrasnog donošenja odluka,
6. sposobnost upravljanja finansijskim i ljudskim resursima,
7. naklonjenost timskom radu,
8. rezultati rada tokom karijere.

V. Uz prijavu kandidata, koja treba da sadrži ime i prezime kandidata, adresu, broj telefona, e-mail adresu, specifikaciju priloga uz prijavu i potpis kandidata, potrebno je priložiti slijedeću dokumentaciju:

1. Biografiju,
2. Uvjerenje o državljanstvu (ne starije od šest mjeseci),
3. Izvod iz matične knjige rođenih,
4. ovjerena izjava kandidata da se protiv njega ne vodi krivični postupak (ne starija od tri mjeseca),
5. ovjerena fotokopija diplome,
6. dokaz o radnom iskustvu iz kojeg je vidljivo da kandidat ima 1 (jednu) godinu radnog iskustva u struci nakon sticanja visoke stručne spreme, na poslovima visoke stručne spreme,
7. ovjerena izjava kandidata o ispunjavanju uslova iz tačke II, podtačka 4., 5., 6., 7., 8.,
8. ovjerena izjava kandidata o ispunjavanju uslova iz tačke III, podtačka 5.,
9. program rada Turističke zajednice općine Lukavac.

Dokumenti koji se prilažu uz prijavu na javni konkurs moraju biti u originalu ili ovjerenj kopiji.

Izabrani kandidat dužan je prije konačnog imenovanja dostaviti ljekarsko uvjerenje koje ne smije biti starije od 6 (šest) mjeseci, a kojim dokazuje da je zdravstveno sposoban za obavljanje poslova na koje se imenuje, te uvjerenje nadležnog suda da se protiv njega ne vodi krivični postupak (ne starije od tri mjeseca).

Komisija će u razmatranje uzeti samo potpune i blagovremeno dostavljene prijave. Kandidati koji dostave potpunu dokumentaciju bit će pozvani na intervju.

O terminu održavanja intervjua kandidati će biti blagovremeno obaviješteni.

Prijavu sa traženim dokumentima potrebno je dostaviti u roku od 15 (petnaest) dana od dana objavljivanja javnog konkursa u dnevnom listu „Oslobođenje“ i na službenoj internet stranici općine Lukavac.

Prijavu sa traženom dokumentacijom dostaviti putem pošte preporučeno ili lično na sljedeću adresu:

OPĆINA LUKAVAC
Trg Slobode 1

/sa naznakom: "Prijava na javni konkurs za izbor i imenovanje Voditelja Turističkog ureda Turističke zajednice općine Lukavac" - NE OTVARATI!/"

PREDSJEDNIK TURISTIČKOG VIJEĆA
Enes Numanović s.r.